

# Meeqqat atuarfiat pillugu Inatsisartut peqqussutaata allanngortinneqarnera pillugu Inatsisartut peqqussutaat (Perorsaanermut aamma tarnip pissusaanut tunngasunik siunnersuinerup kommuninut suliaissanngortinneqarnera)

## § 1

Atuarfik pillugu Inatsisartut peqqussutaat nr. 8, 21. maj 2002-meersumi kingullermik Inatsisartut peqqussutaat nr. 12, 20. november 2006-meersukkut allanngortinneqartumi ukuninnga allanngortitsisoqassaaq:

1. § 31 imatut oqaasertalersorneqassaaq:

” § 31. Naalakkersuisut pisussaapput isumagissallugit:

1) § 20, imm. 4 naapertorlugu atuarfiit anglerlarsimaffiusut immikkut aaqqissuussat.

2) Atuartitsissutit pillugit siunnersorteqarneq.

3) Atuartitsinermut atortussanik inerisaaneq.

4) Atuarfimmi ilinniartitsisunik pisortanillu pikkorissartitsisarneq, ilinniartitseqqittarneq ingerlaqqiffiusumillu ilinniartitseqqittarneq.

5) Perorsaanermut tunngatillugu ilisimatusarneq inerisaanermillu suliaqarneq kiisalu atuarfiup ingerlanneqarneranik suliaanillu nalilersuineq.

*Imm. 2.* Imm. 1-imi nr. 2-miit 5-imut suliaasat taaneqartut suliariumallugit perorsaanermut, ilisimatusarnermullu, naliliisarnermut ilinniartitaanermullu institutimik pilersitsisoqassaaq.

*Imm. 3.* Naalakkersuisut kommunini ataasiakkaani imaluunniit kommunini arlalinni kommunalbestyrelsit isumaqatigiissuteqarfigalugit imm. 1-imi nr. 1-imi suliaasanik taaneqartunik taakku isumaginnittussanngortissinnaavaat.

2. § 33, imm. 1-imi nr. 4-tut ikkunneqassaaq:

”4) Perorsaanermut aamma tarnip pissusaanut tunngasunik siunnersuineq.”

3. Qallunaatuani Peqqussummi tamarmi ”landsstyret” ”Naalakkersuisut”-nit taarserneqassaaq.

4. § 47, imm. 1-imi ”Namminersornerullutik Oqartussanit” ”Namminersorlutik Oqartussanit” taarserneqassaaq, § 48, imm. 4-mi ”Namminersornerullutik Oqartussaniiginnarallassaaq”

”Namminersorlutik Oqartussaniiginnarallassaaq”-mik taarserneqassaaq, § 49, imm. 3-milu

”Namminersornerullutik Oqartussat” ”Namminersorlutik Oqartussat”-mik taarserneqassalluni.

## § 2

Inatsisartut peqqussutaat manna Naalakkersuisut nalunaarutiliornerisigut atuutilissaaq.

*Namminersorlutik Oqartussat, ulloq 2. december 2009*

Kuupik Kleist

/

Mimi Karlsen

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut